

Thuraque dant, Bacchumque vocant, Bromiumque Lyaumque.
Confer. Diodor. Sicul. Lib. VI. Bibliothec. Dein, quando Tertullianus Christianis idololatriam objicit, non nisi per analogiam & consequentiam id, accedente quippe κακοζηλία & abusu, est intelligendum. Quod si enim omnes, quos reprehendit, idololatræ fuissent, hodiernum sane complures Christiani ejusmodi idololatræ essent. Nam idem hodie de multis dicitur, quod sub tempus brumale munera commeent, strenæ consonent, iusus, convivia confrepent. Qua tamen de causa, nisi quod ἀνομιον accesserit, nemo Christianorum idololatra erit dicendus. Applicet quis, quæso, argumenta Tertulliani cætera ad nostrum statum Ecclesiæ & tempus; nonne idololatriæ Pontificiorum, imo ex parte Ethnicorum, nos participes sumus? Dantur enim inter nos Astrologi: Sunt Ludimagistri, qui in Scholis libros gentiles (uti est v.g. *Justinus, Ovidius, Horatius, Florus &c.*) pueris explicant: Mercatores vendunt sua thura, & cætera, quæ tam laudabili χηΐσει, quam κατὰ χηΐσει obnoxia sunt. Quid præterea dicendum de præsentationibus Operarum, de Igniferis, de Poëtis, qui Deos Deasque nominant? Dantur porro Pictores, Statuarii, Hermoglyphi, Cæmentarii, diversis diversa fabricantes. Objicis, ipsum Tertullianum contendere, quod Christiani inter se tantum festa ejusmodi more Ethnico, non autem ut rem licitam celebrent, *Quod si nobis inquit, nullum jus est communionis in ejusmodi cum extraneis, quanto scelestius est, hæc inter fratres frequentare?* Ego vero cordatioribus dijudicandum relinquo, an non, si vel de Januariis aut Brumis accipiatur, censura hæc, *quanto scelestius est &c.* justo rigorosior videatur. Fuit enim Vir austerus, multa subinde in malam partem interpretatus; quapropter ad Montanistas abiit, & plurimum Rigidistarum more ab uno extremo ad alterum fuit prolapsus. Confer. Disp. Dn. PRÆSIDIS de *Psychicis*, quo nomine Orthodoxos suorum temporum ille mactavit. Quid multa vero? Certissimum est, si Christiani tunc cum Ethnicis festa ritibus gentilium celebrassent, neque omisissent ullum festale requisitum in iisdem cele-

cele-